



# САМУРДИН

## сес

«Магъарамдхурун район» МР-дин  
общественно-политический газет.  
Общественно-политическая газета  
МР «Магъарамкентский район».

Газет 1951- йисалай акъатзава. № 16 (7836) киш, 1-апрель, 2017- йис. Къимет 6 манат.



## ВАЖИБЛУ МЕСЭЛАЯР КЪАРАГЪАРНА

25 – МАРТДИЗ МР- дин администрацияда РД-дин Правительство тешкилнавай агъалияр къабулунин гуьруш кыле фена. РД-дин хуьрун майишатдин ва суьрсетдин министр Мусафенди Велимурадова «Магъарамдхурун район» МР-дин Администрациядин Къил Фарид Агъмедовахъ галаз атанвай агъалияр къабулна. Гъакни и гуьрушда МР-дин къилин заместителар тир Гъабибуллагуь Мурадалиевани Марта Абдуллаевади ва СМИ-дин векилри иштиракна. Агъалияр виликамаз авунвай къхинрай къабулна. И гуьрушди райондин агъалийриз чпин месэляяр РД-дин руководстводихъ агакъардай мумкинвал гана.

Къейд авуна къанда, къарагъарнавай месэляяр инфраструктурадиз ва социальный хилез, хуьрерин рекьер туклуьр хъувуниз, газ гъуниз, школяяр эцигуниз талукьбур тир. Республикадин трассадилай Гарагърин хуьруьз къван рехъ туклуьрунин тлалабун гваз гъа и хуьруьн

агъали Асеф Кунахов рахана. Мусафенди Абдулмежидовича къейд авурвал, и месэладай проект гъазурна талукь тир ведомствойриз рекъе туна къанда.

Самурда, Оружбадал ва Ярагъкъазмайрал школяяр эцигунин месэладай гъа и хуьрерин администрацийрин къилер, школайрин директорар ва хуьруьн Собраниедин депутатар рахана. Анал райондин руководстводини са шумуд сеферда къарагъарнавай и месэляяр гъализ жедай рекьериз килигна.

Тагъирхуьр-Приморск улакъяр физвай рехъ цийи хъувунин, Азадогълийрин хуьруьз газ гъунин месэлайрай и хуьруьн агъалияр министрдив рахана.

Гуьруьшдал къарагъарай вири месэляяр РД- дин хуьруьн майишатдин ва суьрсетдин министр Мусафенди Велимурадова вичин гуьзчивилик кутуна.

ЧИ КОРР.

## Мубаракрай

И ЙИКЪАРА С.Сулейманан тлварунихъ галай лезгийрин муз-драмтеатрдин артист Багъишев Эдуард Моллаевичаз Дагъустандин Халкъдин артист тлвар гана.

Эдуард Багъишев 1936- йисуз дидедиз хъана. Азербайжанда



А.М. Алиеван тлварунихъ галай госуударственный театральный институт акъалтларна, яргъал йисара лезги театрда къвалахна.

1984- йисуз Дагъустан республикадин Верховный Советдин Гъуьрметдин грамотадиз лайихлу хъана. Хкъанавай пешедиз вафалувал авуна 55 йисуз театрда зегъмет чулуна.

Ам къугъвай «Клири буба», «Шарвилидин балкъан ва тур», «Гъажу Дауд» цлудралди ролар халкъди еке ашкъидивди къабулна.

## ХУЪРУЪН МАЙИШАТ

**МАЙВАЧИВАЛ****ВАХТУНДА  
ГЪАЗУР ЖЕН**

МАЙВАЧИВИЛИ эхиримжи йисара чи райондин экономикада кьвердавай тайин тир чка къазва. Шаз райондин саларбанри ва кьилдин ксари 84 агъзур тонн салан майваяр кватIна. Четинвилер гьалтзавай девирда ихтин бегьер кватI хъувун гъвечи нетижа туш. Им райондин майвачивал вилик тухун патал гегъенш мумкинвилер ава лагъай чIал я.

Са кар рикел хкана кIанда, салан майваяр фад битмишарзавайбурувай артухан хийирарни вахуз жеда, вучиз лагъайтIа майваяр базара багъаз гуда, государстводини вини кьиметрай къабулда.

Алай вахт райондин майвачивар патал жавабдар вахт я. Цийи бегьердин бине кутадай йикъар алуькнава. Бегьердин кьисмет гъазур хъунилай, адан мягъкем диб кутунилай гзаф аслу жеда. Алуькзавай апрелдин вацра салара штилар кутаза башламишда. И жавабдар кIвалахдиз хъсан тешкиллувал таъминарна кIанда. Бул бегьер битмишарунин карда вахтунда ва хъсан ери аваз штилар гъазурунихъ еке метлеб ава. Гъавилияй саларбанри и месэладиз гзаф фикир гана кIанда. Чил гъазурун, мумкинвилериз килигна ам гужлу авун къакъан бегьер патал женгинин эвел пай тирди фикирдай акъудмир. Адан къвед лагъай пай салара акIурнавай штилар эчIелрикай михъуникай, азарихъни зиян гудай гъашаратрихъ галаз женг чIугуникай, алава ем гуникай, эхирни бегьер пучвилер авачиз кIватI хъууникай ибарат я.

Салан майвайрин виниз тир бегьерар битмишарунин карда агротехникадин истемешунар галай-галайвал кьиле тухунихъ кьетIен метлеб ава. Эгер салан майваяр гъасилун артухарунин жигъетдай агротехникадин истемешунар галай-галайвал кьиле тухун тавуртIа, гуьзлемеишзавай бегьерарни къачуз жедач.

**БАГЪМАНЧИВАЛ****ХЪСАН  
БЕГЬЕРДИН  
ЗАМИН**

ГАТФАР вичин ихтиярда гъатнава. Ада багъманчийрин дердиярни артухарнава. Багълар цийи бегьердиз гъазурун патал гатфар жавабдар вахт я.

Тарарин пунариз пер ягъун, зиянлу гъашаратрин мукар тергун, герек авачир хилер атIун, ятар гудай хулар ремонт хъувун, цийи кьелемар акIурун ибур вири вахтун истемешзавай серенжемар я. Вири и серенжемар багълара гатфарин сифте йикъарилай башламишна кIанзавайбур я. Ингъе агротехникадин кIвалахар тухудай вахт атанва. КIанзавайди багълар чешнелу гьалдиз гъун патал гъар са кIвалах еридиди кьилиз акъудун я.

Бегьер артухардай шартIарикай сад багълариз бес кьадар яд гун я. Гатфариз бегъем яд агакь тавур тарциз къурагъвили тади гуда. Ада емишар куьлуь, бегьер тIимил гунал гъида.

Багълара обрезка гъар йисуз тухузвай серенжем я. Къурай, азар квай, сад-садавай гуьцI жезвай хилер атIана кIанда. Эгер тар къалин хилер алайди яз хъайитIа, абур кьери ийида, нетижада тарце гзаф экв, рагъ гъатдай мумкинвал жезва. Гатфарин къвед лагъай варз алуькзава. Цийи бегьердалди хейлин вахт ама. Гъар са йикъакай хийир къачун, багълара агротехникадин кIвалахар вахтунда тамамарун къакъан бегьердин замин тирди багъманчийри фикирдай акъудна кIандач.

Районда хуьруьн майишатдин делилралди алай вахтунда карханайринни арендаторрин багълар 6 агъзур гектардилай алатнава. Багъларни хъсан накъв авай, дигиз жедай хъсан чилера кутунва.

Аквазвайвал, райондин руководство экономикадин дибдин хел багъманчивал вилик тухун, адан бегьерлувал хкажун патал алахъзава. Райондин руководстводин

фикир гележегдани багъларин кьадар артухарун, гъа са вахтунда гектардин бегьерлувал хкажун я.

**УЪЗУЪМЧИВАЛ****КЪАКЪАН  
БЕГЬЕРДИН  
БИНЕ**

АГЪАДИХЪ ихтилат уъзуьмчийр патал кьетIен вахт алуькьуникай, уъзуьмлухра агротехникадин гъар са кIвалах вахтунда тамамаруникай физва.

ЦипицIдин теьгенг гелкъуьн истемешдай набатат я. Уъзуьмлухра агротехникадин гзаф кIвалахар гатфарин вахтунал гьалтзава. Цийи бегьердин бине кутун патал къулай гъава авай гъар са йикъакай менфят къачун лазим я. Алатай йисуз районда санлай 13400 тонндив агакьна ципицIар кIватIна. ЦипицIрин къакъан бегьер къачунихъ чинебан сир авач. Уъзуьмлухра гъар са серенжем вахтунда ери аваз тамамарна кIанда. Тебиатдин шартIар къулайсузбур хъайи йисарани ципицIрин виниз тир бегьерар кIватI хъийизва. Уъзуьмлухра гатфарин кIвалахар вахтунда акъалтIарна, азарриз акси дарманрин къайгъу чIугуна кIанда.

Районда уъзуьмри къунвай майданар йис-йисандавай артух жезва. И карди уъзуьмчийривай кIвалахдин ери хъсанарун истемешзава. Эгер ципицIрин къакъан бегьер кIанзаватIа, вахтар ахъаймир, теьгенглухра агротехникадин гъар са серенжем еридиди тамамарун важиблу тирдини рикелай алудмир.

**Р. МУРАДАЛИЕВ.**

«ЙИСАН ТЕРБИЯЧИ – 2017»

## Хъсан тербиячи

И ЙИКЪАРА Магъарамд-хуьруьн «Солнышко» твар алай аялрин бахчада «Йисан тербиячи – 2017» лишандик кваз райондин конкурс кыле фена.

Пуд юкьуз давам хъайи конкурсда тербиячийри чпин алакьунар кьалурна. Чи «Солнышко» бахчадай конкурсда Агьмедова Мальвина Муьгьудиновнади иштиракна.

Ада аялрихъ галаз «Аламатдин кьумадин уьлкве» твар алаз машгуьлат тухвана. Чпел лацу халатар, гьилера лупаяр авай аялар лап халис

3-чкаяр «Чебурашка» бахчадин тербиячи Мурадова Гюльмира Руслановнадиз ва «Ромашка» бахчадин тербиячи Кембералиева Айнахалум Гьажиисмаиловнадиз гана.

Конкурсдин иштиракчийриз райондин образованиедин паттай Гьуьрметдин грамотаяр ва пишкешар гана.

Эхирдай сад лагъай чка кьур тербиячи Агьмедова Мальвина Муьгьудиновнади вичиз куьмек гайи бахчадин заведующий Лейла Сабировнадиз, тербиячийр тир Ири-



гъвечи алимар хъиз аквазвай. Абуру чпин «лабораторияда» дикъетдивди кьум ахтармишзавай, адахъ галаз опытар тухузвай, кьугьунар ийизвай.

Машгуьлатда иштирак авур гьар са аялди «Гъвечи алим» медальни гана.

Гуьрчегдиз тукьуьрнавай музыкадин ван алай бахчадин залда диде-бубаяр, мугьманар, бахчадин работникар кватI хьанвай.

Конкурсдин нетижаяр къадай вахт атана. Жюриди рейсавилелди I-чка «Солнышко» бахчадин тербиячи – Агьмедова Мальвина Муьгьудиновнадиз, 2-чка «Сказка» бахчадин тербиячи – Афизова Эльвира Абдул-Алиевнадиз,

на Абасовнадиз, Гуьррият Азимовнадиз, Суна Илифхановнадиз, Эльза Магьамедовнадиз, вичик гьевес кутур вири коллективдиз чухсагуьлдин хъсан гафар лагъана.

Бахчадин члехи дестедин аялри чпин гуьрчег кьуьлералди, шад манийралди гъалибчийр тебрик авуна, ва атанвай мугьманар гьейранарна.

Чнани чи еке коллективдин паттай Мальвина Муьгьудиновнадиз конкурсда къазанмишнавай гъалибвал мубаракзава. Аферин, Мальвина!

**Эльвира МИРЗОЕВА,**  
«Солнышко» бахчадин  
члехи тербиячи..



## Аферин, Мальвина

АГЪМЕДОВА Мальвина Муьгьудиновна кьилин образование авай, хъсан кьиметралди Дагьустандин гьукуматдин университетдин филологиядин факультет кутьягна хайи хуьруьз хтайла, бахтунай хъиз чи бахчадиз акъатна.

Гъвечи-члехи чидай, зегьметдал рикI алай, вичин гафунал кьеви, хъсан чирвилер авай Мальвина Муьгьудиновнади ингье и еке коллективда вичиз халис чка жагьурна, кьвалахдин юлдашрин арада, диде бубайрин арада вичиз гьуьрметни къазанмишна.

Мальвина Муьгьудиновнади аялрихъ галаз гзаф хъсан машгуьлатар, абурун кьвалахда цийивилер гьихьтинбур хъана кьанзаватIа диде-бубайрихъ галаз суьгьбетар ва гуьруьшар мукьвал-мукьвал тухузва. Адан кьвалахдила бахчадин руководство, аялрин диде-бубаярни гзаф рази тирдал са шакни алачиз аквазва.

Ингье гьакьисагъ зегьметди хъсан нетижани гана.

Вич жегьил ятIани, ада районда кыле фейи «Йисан тербиячи-2017» конкурсда иштирак авуна ва шак алачиз, 1-чкадиз лайихлу хъана.

**Эльвира МИРЗОЕВА.**



## ЮБИЛЕЙДИН КЪАРШИДИЗ

**70-йисан гъиссерив ацланвай рехъ**

ДАГЪУСТАНДИН халкъарин шииратдин ца-вал гзаф гъетери нур гузва. Абурукай сад вич шаир, писатель ва драматург яз машгъур тир ИСМАИЛОВ Абдуселим Абумуслимович я.

Абдуселим Исмаиловахъ клегдайбурун фикир желбдай, мад сеферда клелиз хуш къведай ши-ирар ва гъикаяяр гзаф ава. Шаир ва писатель Абдуселим Абумуслимовича вичиз хъсандиз таниш, гъар камуна гьалтзавай жуьреба-жуьре вакъиайрикай ва дуьшуьшрикай, хуьруьн жемят-дикай, интеллигенциядикай, яшайишдикай кхъизва. Писателдин кхъинрин хатI анжах вичиз хасди ва чIал къетленди я. Авторди яратмишна-вай къаматар рикледай алат тийидайбур, игитар чаз гъар садаз мукъвабур ва фадлай танишбур хъиз я.

А. Исмаилован шиирар ва рассказар аваз акъатнавай са шумуд ктабда авторди куьгъне адетриз, къанихбуруз, къве чин алайбуруз, зегъ-метдивай къил къакъудзавайбуруз, гъакI жуьре-ба-жуьре маса темайриз талукъарнава. Ада вичин яратмишунра чIуру адетар, ахлакъсузвал, эдебсузвал, тахсиркарвилер ийизвайбур, ички-базар негъзава. Зегъметдиз, инсанвиллиз гъуьр-мет ийизва.

Абдуселим Абумуслимович Исмаилова вичин са ктаб ихътин гафарилай башламишзава: «Уьмуьрдин ширинвилерин чешмеяр кланивилев, ашкъидив, муьгъуьббатдив гва. И гъиссер гумачирла, багъривилерни квахъда, ватандихъайни атIуда. За кхъизвай эсерар и чеш-меяр михъиз хуьз алахъунин важиблувиликай я».

Алай 2017- йис ИСМАИЛОВ Абдуселим Абу-муслимовичан 70 йисан юбилейдин йис я. Чна писатель, шаир, драматург, «РД-дин искусствой-



рин деятель», РД-дин Халкъдин шаир, РФ-дин пи-сателрин Союздин член, РД-дин писателрин прав-лениедин Союздин секретарь, писателрин лезги секциядин руководитель, Правительстводин са шумуд наградадин сагъиб Абдуселим халудиз ви-чин жезвай 70 йисан юбилей риклин сидкъидай му-баракзава. Къуй квехъ чандин сагъвал, хизанда хушбахвал, къвалахда мадни еке агалкъунар хъу-рай, чна вирида гъуьрметзавай Абдуселим Абу-муслимович!

**Р. МУРАДАЛИЕВ.**

**Абдуселим ИСАМАИЛОВ****ЗАЗ АХВАРАЙ ДИДЕ ШЕХЪИЗ АКУНА**

*Заз ахварай диде шехъиз  
Акуна. Вуч ахвар я?  
Сир чидайбур, заз ам це хъи-  
Абур вучтин накъвар я?  
Белки, закай чIуру хабар  
ГанатIа са мидяди?  
Белки, амач захъ са гъунар?  
Уьмуьр хъана саяди,  
ГутазватIа дидедив дерт?  
Агъ, уьмуьр вуч четин я?  
Амма диде хъанва къе перт,  
Тахсир зиди якъин я.  
Сувариз хъиз, накъ аялриз  
Къачунай за савкъватар.*

*Кутаз дерин яд хиялрик,  
Куьчеда зал таватар  
Гьалтиз фенай, вилера гъакI  
Амаз пичIи умудар.  
Белки, зи тIал риклера къватI  
ХъанватIа са шумудан?  
Амма вучиз дидеди зал  
Шак гъизва и арада?  
ХъайитIани зи рикле тIал  
Чирдани къван чарадаз?  
ГъинвачIани, зун гуьзетиз  
Пакамадал ацукъна,  
Яргъи йицфезни лянетиз  
Текдиз къвале амукъна.*

*А лянет за къабулзава-  
КъурадатIа накъвар ви?  
Зи риклени рагъулзава,  
Хайивилияй ахвар ви.  
Вучда, диде, вахъни хъана  
Са дерт ферсуз веледдин.  
Вахъ стхани, вахни ава,  
Амма, рикле куьлегдив  
Агална, на хуьзва дердер,  
Къалур тийиз чарадаз».  
Вучиз зи хва вичин Бендер  
Кхъиз ферсуз аквада?  
Ада закай туькIуьрзава  
Виридалай гуьзелбур,  
Зи вилера куькIуьрзава*

## ЮБИЛЕЙДИН КЪАРШИДИЗ

Эквер-шелдихъ цигелбур...»  
Гьикъван кландай заз члалахъ жез,  
Диде, ви мез лукъман я.  
Варцарилай квализ хквез,  
Зун вазни кваз мугъман я.  
Уьмуьр я им чамардавай  
Лиф хьиз, катай кьефесдай.  
Закай кланз са хабар цавай,  
Мукъва-кьили миресдай  
Акъудзава вуна гафар.  
Умуд аваз вилера...  
Диде вуна хамир ахвар,  
Заз тлвар къуна эвера.  
Плузараллай къабар сагъ яз,  
Акъатда зун патав ви.  
Ихтилатрин яргъи баргъ гъаз,  
Йиф акъудда къулав чи.  
Зун рекъева, ахгакъна зун.  
Агъ, ви шадвал! Ахвар туш,  
Ви вилера ялав куз цлун,  
А сенфенан накъвар туш.  
Агъ, межлисар чна кьведа  
Ахътинбур кье къурмишин!  
Зун къуншийрин юкъва жеда,  
Гъевчли-члехи саймишиз.  
Вун, диде, зал дамах ийиз,  
Фида дерин хиялриз:  
«Дуьньядик ква, зи хва, вучиз  
Амай вири аялрик  
Хъанач адан къилихрин пай?  
Рахун аку- мани я.  
Зун бахтлу я и хва авай,  
Квал-югъни зи къени я...»

**УЬМУЬР ГУЗВА  
АЛЛАГЪДИ ЧАЗ...**

Уьмуьр гузва Аллагъди чаз  
Аламатрин аламат хьиз:  
Яргъа тийиз гунагърикай,  
Сувабрини саламат хуьз,  
Тлебиатдин крариз вил  
Веъез жедай зигъин аваз,  
Аламатар фагъумдай къил,  
Гьиссдай риклин ифин аваз.

Уьмуьр гузва Аллагъди чаз,  
Жуван рехъ на хкъягъ лугъуз,  
Ихтиярар, буржияр гъаз,  
Къвачерал вун къарагъ лугъуз,  
Уламрилай уламрал физ,  
Къисметрин вац! авахъдайвал,  
Эвел хътин эхирни чиз,  
Яд гъуьлерик какахъдайвал.

Уьмуьр гузва Аллагъди чаз  
Тум веъедай къуьгъевер хътин:  
Хтуларни метлрал къаз  
Куьтягъ тежер кефер хътин,  
Несилрихъай несилар кьез,  
Цил датлана тларам жедай,

Ви чкадал хъана эвез,  
Къисметрин циргъ давам жедай.

Уьмуьр гузва Аллагъди чаз  
Клани къадар тухуз жедай,  
Адан члехи регъимдик кваз,  
Къакъанвилер къачуз жедай,  
Гъетерив къван цавун аршиз  
Лайхлудан ад акъуддай,  
Лайхсуздан кар хьиз тлварни  
Члалайни кваз фад акъуддай...

**ВУНА ЖУВАН  
ВИЛЕРИЗ ЛАГЪ**

Вуна жуван вилериз лагъ-  
Хъуьрен тийиз,  
Ишен тийиз  
Зи ахвариз илифрай.  
Вуна жуван хъуьхъвериз лагъ-  
Регъуь тушиз,  
Бубуяр хьиз кьекъифрай.  
Вуна жуван плузарриз лагъ-  
Чимивилив,  
Егъивилив  
Хуькуькьрай зи гуьгъуьлдик.  
Вун хъурай зи ахварин шагъ,  
Даим легъзе  
Тежер куьгъне  
Гумукърай зав, шикил хьиз.  
Парцик квай зи къуьнерилай  
Алатдач пар,  
Гена самбар  
Йиуда ам яшайиши.  
Къуй! Метлебсуз туьмеррилай  
Хъсан я пар-  
Умудлу кар  
Кутадай жув асайишидик.  
Сефилвал хьиз агъур я заз  
Къайгъусузвал.  
Гъар юкъуз зал  
Дуьшуьш хъухъ са цлийивал гъаз.  
Гележегди гъазурда чаз  
Амай рекъер.  
Къе чи риклер  
Хъурай даим михъивал гъаз.

\* \* \*

Клан жемир ваз, клан жемир,  
Чил къвачерик руг хъана.  
Масад нуькрен муг хъана,  
Жув нягъс гъиле къван жемир.

Клан жемир ваз, клан жемир  
Лацу шивдал гъамиша.  
Зи сузани саймиша,  
Тек ви хъвердин ван жемир.

\* \* \*

Чи бахтунин епинал  
тлвал жедайди  
Заз кланзавач гъиз  
фикирдиз гилани.  
Им уьмуьр я, чидач  
къилел кьведайди,  
Меген ада чаз бедбахтвал  
гъидани?

Ви вилера кье,  
пакани къатканва-  
Зазни килиг, кландатла  
ваз умудар.  
Квез я уьмуьр, гъал  
хьиз садра къатл хъана,  
Пичли умуд аваз тлвалар  
хгудай?

Ша, ял тийин къисмет  
гъарда вичихъди.  
Чал пехилбур хъвериз  
гъатда гуьгъуьна.  
Зегъердин къаб тухуз  
женни сивихъ гъич-  
Заз гъам къван чун  
къакъатдай югъ туькьуьл я.

\* \* \*

Рагъ ацукъна дагъдин къилихъ,  
Яру кифер авадарна.  
Шиш куклушар вири чилиз  
Серинар яз авадарна.

Алмасди хьиз атлузвай нур  
Гъахънава зи пенжердани.  
Хали ада кье пад авур  
Цлай яз кузва ленгердани.

Вал вил алаз шуьрбет икьы,  
Ракъинин нур зайиф жезва.  
Дагъларни кваз яргъи рекъиз  
Къекъез фена, мад йиф жезва.

Ша, илифа вун ракларай,  
Йиф пенжерда цларадайвал,  
Чаз экуьнин чиг ярарай  
Чи бахтлувал аквадайвал.

\* \* \*

Члередикай- ятла муг дар?-  
Аватнава нуькрен шарагар.  
За авуна рагъимлу кар-  
Кутунач ам кацин сарак.  
Къенин югъди ква зак лувар,  
Шадвал гъиссиз диде къушран.  
Ада закай гуда хабар  
Аллагъдизни- де за вучрай?!



ФИКИРАР ВАН АЛАЗ

# Яргъал уьмуьр клан ятла

ЭХИРИМЖИ вахтара медицина ва адан технология вилик физватлани, инсанар тегъуьн атай верчер хъиз рекъизва. Себебар гзаф ава. Гьелбетда, зун духтур туштлани, заз чидай ва зи фикирдалди къатлузвай са шумуд вакъиа куь вилик гъиз кланзава. Нелай аслу я? Гьелбетда инсанрилай чпелай. Чпин сагъламвал чпи хуьзвач. Ибурукай сад чи бубайрин Ватанар чуклурун я. Дагълара са шумуд йисуз яшамиш хъанвай, къайи гъвадихъ галаз вердиш хъанвай инсанар цлу хъиз кузвай арандиз куьч хъайила, анин гъвадихъ галаз таниш жедалди цаяр къвез азарлу жез хъана. Незвай продуктарни бегъемсузбур хъайила, инсанар фад-фад азарлу жез больницайриз аватиз хъана. Им чи халкъдин виридалай члехи тахсиркарвал я. Вучиз чи бубайрин Ватанар чуклурунай? Вуч кими тир. Незвай гъар са шей, гъар са хизанди чпин гилералди гъасилна, чпи арадиз гъана миьхи продукция тир. Инсанарни азарлу жезвачир. Гъар са касдихъ 10-15 хеб, 2-3 мал, миьхи къуьл, мух, нех авай. Гъинва исятда гъахтин миьхи продуктар? Исятда чна магазинрай къачузвай продуктар са шумуд йисаралди мурклада туна къатканвай, дарманралди хвенвайбур я. Факай фан ни къвезмач. Мад са себеб лагъайтла инсанри физический кваллах хъийизмач. Кваллах вични амач. Колхозар-совхозар, заводар-фабрикаяр, мал-къара, багъ-бустан амач. Халкъди гъина кваллахда? Хуьрер чуклуруна, къизил хътин Советрин гъукумат чуклуруна. Халкъди гъина кваллахда? Хуьрер чуклуруна, къизил хътин Советрин гъукумат чуклуруна. Халкъ кваллах амачиз амукъна.

Горбачеван перестройкади вири кленяй акъудна. Халкъдин

девлетар вара-зара авуна. Хуьрера яшамиш жедайла са декъикъа акъваздай вахт жедачир. Экуьнлай няналди кваллах авуртлани куьтягъ жедачир. Мал-къарадихъ, багъ-бустандихъ гелкъведай, колхоздин, совхоздин кваллахрал машгъул жедай. Агъзурралди никлерик те хилар кутадай ва ам вахтунда кватл хъийидай. Складриз агъзурралди, тоннралди те хилар вахчудай. Инсанриз азарлу жедай мажал авачир. Гила лагъайтла, кваллах хъийизмач, азарлуни гзаф жезва.

Дидедин бедендикай кватна са акъван вахт жедалди аялзамаз пенсиядиз физва. Кваллах инсандин сагъламвал, къуват я. Кваллахди инсандин руьгъ хкажда, инсан гъаваламиш ийида, адаз азарлу жедай мажал ву гудач.

Мад са себеб ава. Гьелбетда, им заз лугъуз кутугнавачтлани, лугъун тавунани завай акъвазиз жезвач. Бязибуруз закай хъел атунни мумкин я. Куьне заз багъишламиша, гъурметлу жегил сусвар, куьне азарлу ийизва куь балаяр. Куьн балайрихъ ваъ, дамахрихъ катзава. Фигураяр члуру жеда лугъуз аялдик квай дидейри клешар алукна юкъва члуруна члуларни кутлурузава. Икл хъайила бес аялар азарлу жедачни? Бес чи дидеяр ахмакяр тирни аялдик квай дишегълийри гъаркъуь перемар, халатар алуклдай. Гила акл кланзавач, дамахар кланзава. Аял къепинал шехъиз рекъиз хъайитлани са ябни гузвач, гъерекатна чиниз рангар ягъиз, чеб туьклуьриз алахънава. Гъакл хъайила, чи къвезвай несилни зайиф жезва. Им дуьз туш. Куь балайрин къадир хъухъ!

Дуьз тербия гуз, дуьз рекъе тур. Балаяр ширин затлар я. Абуру чи гележег я. Абурун сагъламвал хуьз алахъа, дамахар ваъ. Чи члехи диде-бубайрал амал ая!

Сагъламвилдин сифте нубат миьхивал хуьн я. Эхиримжи вахтара чи инсанри миьхивал хуьзвач. Акатай чкайрал акатай шейэр кадарзава. Яд физвай хуларни, къекъвезвай рекъерни, жув яшамиш жезвай куьчярни чиркинарзава. Гъикъван инсанриз лайгъайтлани миьхивал хуьзвач. Им акл лагъай гаф я хъи, къайда-къанун авач, яни низам авач. Чака-чакадал баклашкайриз, кулекриз цаяр язава. Абурулай къарагъзавай агъу хътин гум чна члугвазва. Чаз хабарни авачиз чи жигерар члуру жезва. И кар бес инсанриз чизвачни? Чизва. Са вахт арадай фейила акъваза инсан азарлу хъана. Къейи хеб-мални, кицл-кацни чилик куьтазвач, тиветл алтлушна тазва, чна члугвазвай нефесни, тлебиатдин гъавани члурузава. Сада-садаз вучиз хуьр-квал, магъле чиркинарзава лугъузвач. Миьхивал женнетдин багъ я.

Гзафни-гзаф инсанар азарлу хъунин себеб нервияр хуьз тахъун я. Азарлу жедачни вилералди акъваз-акъваз ваз дашбаш це лугъун. Чара авач, гунни а кесибди ийизва. Гайидалай къулухъ адан рикл цуразва. Къве гилелди зегъмет члуруна къазанмишнавай пул, са ни ятлани къакъудайла ам азарлу жедачни? Сада кефер члуругвазва, сад недай фуни авачиз амукъзава. Гъахтинбур акурла инсан вич-вичелай азарлу жезва. Лугъун тавурай хъи, ам вичиз гъалал жеда лагъана. Чарадан вил галамай шей садрани гъалал жедайди туш. Чилин шардал атанвай инсанар вири сад я. Сад къуллугъчи жеда, сад нехирбан. Бес сада-садан иви хъвадани? Ам азарлу хъана къейила регъят жезвани? Виридалай инсанвилелди незвай са тике фу гъахъ я. Адан уьмуьрни яргъал фида, сагъламвални артух жеда. Ша, чун инсанар жен! Чи сагъламвал чна хуьн!

**Р. САЛМАНОВ.**

Советск хуьр.

## Перелётные птицы и грипп птиц

РОССЕЛЬХОЗНАДЗОР по Республике Дагестан информирует!

Птичий грипп является высокозаразной болезнью птиц, которая характеризуется угнетенным состоянием, септициемией (тяжелое состояние, вызванное попаданием в ткани и кровь птицы возбудителей гриппа), поражением пищевой системы и респираторного тракта.

Возбудителем болезни гриппа птицы является РНК-содержащий вирус семейства Orthomyxoviridae, рода Influenzavirus. Благодаря специфическому строению вирусного генома он способен проявлять высокую экологическую пластичность, то есть осваивать все новые экосистемы и расширять круг хозяев. Вирус гриппа птицы родственен с вирусом гриппа человека, лошадей и свиней.

В 2016 г. эпизоотическая ситуация по высокопатогенному гриппу птиц в мире резко обострилась, в связи с чем существует потенциальная угроза заноса вируса гриппа в популяцию домашних птиц и его распространение на территории Российской Федерации. Так, на 18 ноября 2016 г. в мире были зарегистрированы случаи высокопатогенного гриппа среди домашних и диких птиц, обусловленные следующими подтипами: H5N1; H5N2; H5N6; H5N8; H5N9; H7N8; H7N3; H7N7, H7N1.

Самыми опасными для птицы считаются сероварианты H5N1 (A5) и H7N1 (A7) – классическая чума птиц.

Последний случай выявления гриппа зафиксирован 26.01.2017 в ФГБУ «ВНИИЗЖ» в результате лабораторных исследований биологического материала от павших лебедей в г. Актау Республики Казахстан на берегу Каспийского моря, выявлен геном гриппа А птиц и установлен подтип выявленного вируса H5. Было установлено, что вирус принадлежит

к азиатской генетической линии вируса высокопатогенного гриппа птиц.

Как известно, через Россию пролегают основные миграционные русла из юго-восточной Азии, Индии, Австралии, Африки.

Из-за гриппа у птицы снижается продуктивность на 40-60%. Экономические убытки от гриппа птицы очень существенны. Карантинные мероприятия в случае этого заболевания очень строги, поэтому могут нарушить деятельность не только отдельных хозяйств, но и целых районов, поэтому по классификации Международного эпизоотического бюро болезнь относится к списку «А» (особо опасные инфекции).

Главным путём передачи возбудителя птичьего гриппа является воздушно-капельный. Однако возбудитель также может распространяться с зараженной питьевой водой, яйцами, перьями, кормами, отходами и инвентарем. Также создают благоприятные условия для распространения вируса кошки, насекомые и грызуны. Инкубационный период - 2-7 суток. Смертность составляет от 25% до 90%. Птица, которая переболела птичьим гриппом, выделяет вирус во внешнюю среду более 20 дней. Вирусносительство длится до трёх месяцев, и в этот период возбудитель может передаваться с яйцами.

Для профилактики высокопатогенного гриппа птиц в России применяются инактивированные вакцины как самые эпизоотологически безопасные.

С целью профилактики гриппа необходимо обеспечить до отлёта перелётной водоплавающей птицы исключительное подворное содержание птицы в ЛПХ граждан, где при выгульном содержании не исключен контакт с дикой водоплавающей птицей. Вакцинация птиц, содержащихся в ЛПХ, проживающих в населенных пунктах, вблизи

которых расположены гнездопригодные водоемы для диких водоплавающих и околоводных птиц. Срок проведения мероприятий - с момента прилёта птиц до завершения периода гнездования (апрель—июнь), а также с момента начала отлёта до его завершения (сентябрь—ноябрь).

Опасен ли птичий грипп для человека?

Да. Опасность этого заболевания для людей состоит в том, что у людей нет к нему иммунитета, поэтому заразится вирусом довольно просто. Человеческому организму сложно сражаться с вирусом птичьего гриппа.

Птичий грипп передается человеку исключительно во время прямого контакта с больной птицей – возможно, живой, но, как правило, при раздελывании тушек больной птицы.

Как человеку не заразиться птичьим гриппом?

Во-первых, при первых признаках заболевания или падежа домашних птиц необходимо обращаться в ветеринарную службу для выяснения причин и оперативного купирования острых особо опасных инфекций.

Во-вторых, мясо птицы, больной птичьим гриппом, лучше утилизировать, а не принимать в пищу. В целом кулинарная обработка с температурой внутри продукта более 70°C сводит риск заражения до несущественных уровней, при повышенных температурах вирус гибнет достаточно быстро. Хотя случаев заражения человека через неправильно приготовленную пищу не зарегистрировано, лучше экспериментов на себе не ставить.

В-третьих, старайтесь избегать контактов с больной дикой либо домашней птицей.

### Вниманию лиц, занимающихся реализацией мясной продукции

ТЕХНИЧЕСКИЕ регламенты Таможенного союза «О безопасности пищевой продукции» (ТР ТС 021/2011), «О безопасности мяса и мясной продукции» (ТР ТС 034/2013) устанавливают обязательные для применения и исполнения на таможенной территории Таможенного союза требования безопасности к продуктам убоя и мясной продукции и связанные с ними требования к процессам производства, хранения,

перевозки, реализации и утилизации, а также требования к маркировке и упаковке продуктов убоя и мясной продукции.

Россельхознадзор по Республике Дагестан информирует о том, что согласно ст. 14.43 КоАП РФ, при выявлении нарушений изготовителем, исполнителем, продавцом требований технических регламентов, накладывается санкция, в виде административного штрафа:

- на граждан в размере от одной тысячи до двух тысяч рублей;
- на должностных лиц - от десяти тысяч до двадцати тысяч рублей;
- на лиц, осуществляющих предпринимательскую деятельность без образования юридического лица, - от двадцати тысяч до тридцати тысяч рублей;
- на юридических лиц - от ста тысяч до трехсот тысяч рублей.



## В ПРОКУРАТУРЕ РАЙОНА

## Из материалов проверки

ПРОКУРАТУРОЙ Магарамкентского района проведена проверка исполнения органами местного самоуправления Федерального закона «О контрактной системе в сфере закупок товаров, работ, услуг для обеспечения государственных и муниципальных нужд».

Из материалов проверки следует, что в нарушение требований статей 3, 7, 16, 17, 21 названного федерального закона заказчиками (муниципальными органами) планы закупок, планы-графики закупок на 2017 год размещены в единой информационной системе закупок с нарушением сроков, установленных действующим законодательством.

Нарушение срока утверждения плана закупок, плана-графика за-

купок (вносимых в эти планы изменений) и размещения их в единой информационной системе в сфере закупок влечёт административную ответственность, предусмотренную частью 4 статьи 7.29.3. КоАП РФ.

По результатам проверки прокуратурой района в отношении 22 глав сельских поселений возбуждены дела об административных правонарушениях, которые для рассмотрения по подведомственности направлены руководителю Управления федерального казначейства по Республике Дагестан.

Рассмотрение актов реагирования взято на контроль.

**М. КАЗИАХМЕДОВ,**  
прокурор района,  
старший советник юстиции.

## ОБЪЯВЛЕНИЕ

## О ПРИЕМЕ ДОКУМЕНТОВ ДЛЯ УЧАСТИЯ В КОНКУРСЕ

НА ЗАМЕЩЕНИЕ вакантных должностей государственной гражданской службы Российской Федерации в Межрайонной инспекции ФНС России №1 по РД

Межрайонная инспекция ФНС России №1 по РД объявляет о приеме документов для участия в конкурсе на замещение вакантных должностей государственной гражданской службы Российской Федерации:

-государственный налоговый инспектор отдела камеральных проверок;

Квалификационные требования предъявляемые для замещения этих должностей и документы представляемые для участия в конкурсе опубликованы на Интернет сайте [www.palog.ru](http://www.palog.ru)

Прием документов для участия в конкурсе будет проводить-

ся с 27 марта 2017 года по 16 апреля 2017 года. Время приема документов: рабочие дни с 09 часов 30 минут до 12 часов 00 минут и с 14 часов 00 минут до 15 часов 00 минут.

**Адрес приема документов:**  
**368780, Республика Дагестан Магарамкентский район село Магарамкент ул. Сальмана, 6 Межрайонная инспекция ФНС России №1 по Республике Дагестан (отдел общей обеспечения), телефон (8235) 25-9-74; (8235), 25-9-71, e-mail: [www.alog.ru](http://www.alog.ru)**

Предполагаемая дата проведения конкурса «25» апреля 2017 года по адресу: 368780, Республика Дагестан Магарамкентский район, село Магарамкент ул. Сальмана, 6 Межрайонная инспекция ФНС России №1 по Республике Дагестан

Камаллу  
Гьадисар

\* Эхирдай жаваб гана кландайди чиз-чиз, чуру рекье гьатна къазанмишзавайдал зун алапат жезва.

\* Масадалай гьил къачуз алакьдайбур Аллагь-Тааладиз багьа я.

\* Къени къилих авай касдиз и дуньядани бахт жегьйда, атла дуньядани.

\* Рикле авай чуру ниятдилай гьил къачуда, эгер ам мезелай алатнавачтла, кардиз элкьевначтла.

\* Тарифрал рикл хьуни инсан буьркьуьни ийида, бишини.

\* Эгер архайинвал, рикл чкадал хьун цлуд паюниз пагьайтла, абурукай клуд пай кисуни, сивяй артухан гаф акьуд тавуни гуда.

\* Тар цайидаз суваб квелди жезва лагьайтла, а тарцикай инсанрини, къушарини хийцр къачуналди.

\* Бедендин гумрагьвал-тлмил тлунна, руьгьдин гумрагьвал- тлмил гунагьра.

\* Сабурлу кас гьихьтинди я? Шикаятар тийидайди, вичел акьалтзавай азабарни риклин тларвилер чуньухдайди.

\* Ингье виридалайни члехи девлет: инсанривай гьич са затни клан тахьана, члехи Аллагьдик умуд кутун.

\* Крарилай гзаф крар гвай инсандин акьул чкадал алайди туш.

**Гьадисар къватлайди**  
**Р. МУРАДАЛИЕВ я.**

**Кьилин редактор**  
**А. А. ИСМАИЛОВ.**

**Редакциядин адрес:**

368780. РД, Магьарамдхуьруьн район, Магьарамдхуьр, Ленинан куьче.

Газет гьафтада садра акьатзава.

**Телефонар:** редактор- 25-1-37, жавабдар секретарь - 25-1-39, бухгалтер-25-9-69.

**Учредители:** Муниципальная районная администрация «Магарамкентский район» и коллектив журналистов редакции районной газеты «Самурдин сес» (Голос Самура).  
**Адрес:** 368780. РД, Магьарамдхуьруьн район, Магьарамдхуьр, Гагаринан куьче, 2.

Газета «Самурдин сес» (Голос Самура) зарегистрирована Региональным управлением Комитета РФ по печати в РД.

**Чап ийиз вахкудай вахт - 16.00.**  
**Чапун патал къул цлугуна- 15.00.**

Газет ООО «Самур» типографияда гьазурна ва гьана чапна. Типографиядин ва издателдин адрес: 368780. РД, Магьарамдхуьруьн район, Магьарамдхуьр, Ленинан куьче. Лезги члал.  
**Индекс 63340. Тираж 1400.**  
**Заказ № 16.**

6+